

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. II. Deo perfectissimè competere misericordiam, eamq[ue] duplicem
vel triplicem.

[urn:nbn:de:hbz:466:1-46817](#)

te; & ad illam virtutem pertinere propriè affectum internum, vnde opus externum miseriam subleuans proficitur.

Dices, Affe^ctus tollendi alterius miseria^p, est affe^ctus displicentia & odij erga illam miseriā tamquam erga malum: atqui omnis affe^ctus odij erga malum nascitur necessariò ex affectu amoris erga aliquod bonum: ergo quomodo cumque actus misericordiae consideretur, necesse est ut procedat ex aliquo affectu ad aliquod bonum. Respondeo, Nos id non negare. Procedere enim potest ex affectu quodam quasi iustitiae, quo quis cupit cuique rei inesse id quod ei secundum naturam est contentaneum, etiam si erga ipsam rem peculiarem affectum non habeat. Potest enim amari proportio & congruentia rerum, etiam si ipsa res non amantur. Ex hoc affectu prouenit, ut displiceat id quod ei dissentaneum seu malum, & velit illud tollere: quod est misericordiae. Fateor tamen, opera misericordiae ordinariè ex hoc affectu non procedere, sed potius ex affectu charitatis: ac proinde hanc virtutem non videri distingui à charitate, sicut suprà est explicatum. Hinc fit ut dilectio proximi ferè tota consistat in operibus misericordiae.

*Non videtur
distingui à
charitate.*

C A P V T . II.

*Deo perfectissime competere misericordiam, eamq;
duplicem vel triplicem.*

SI V E misericordia spectetur, ut ex affectu benevolentiae miseriā tollit, (quo modo non distinguitur reipsa à charitate,) siue ut ex odio & displicentia illius inordinationis in natura rationali, (qua ratione videtur virtus distincta, & suæ speciei,) ipsa est perfectissimè in Deo. Cùm enim ipse omnis boni, omnisque perfectionis, commodi & felicitatis sit fons, auctor, & largitor; ipse quoque omnis miseria (ut quæ nisi collatione boni non tollitur) est peremptor & exterminator: in qua tollenda quatepus mouetur affectu benevolentiae: ut creaturæ bene sit, est actus charitatis: quatenus vero displicentia illius inordinati, est actus distinctæ virtutis misericordiae. Sed quia Deus in tollendo malo potissimum spectat ut creaturæ bene sit, misericordia opera potius sunt charitatis, quam alterius virtutis, & ita ipsius misericordia est ipsa caritas inadæquatè considerata, nimisrum ut tollit malum dilecti ex affectu quo vult illi bonum, ut ei sit bene & optimè.

D d 2

Nec

*Misericordia
est perfectissi-
mè in Deo.*

An includat imperfessio- Nec obstat quod misericordia videatur includere tristitiam & afflictionem animi, cum cordis quamdam miseriam insinuat, quae ex sympathia alienae miseriae concipitur: quia haec afflictio non est de ratione misericordiae, quae simplicem affectum voluntatis ad opitulandum alteri significat; sed est solum quid comitans misericordiae affectum in nobis, qui proximi miseria spectata, ei compatimur & condolemus, a quo dolore tamquam a nobis notiori virtus ipsa nomen traxit. Vnde etiam si in Deo non sit illa cordis afflictio, nisi metaphoricè; ipsa tamen misericordiae virtus, cum nihil imperfectionis includat, sed perfectionem potius summam, (si ipsa summa sit) supponat; in Deo formaliter & propriè existit. Simili modo in Deo constituenda est ira, non ut turbidum animi motum, qui humorum concitatione rationem obnubilet, sed ut simplicem voluntatis affectus ad ultionem accentum denotat. Quia tamen ira propriè significat motum animi bilem concitatem, misericordia verò simplicem subventionis affectum, quamvis à miseria cordis nomen traxerit, idcirco ira in Deo ponitur metaphoricè, misericordia propriè.

Commendatur in Scriptura. Misericordia Dei luculentissimè commendatur in Scripturis: & quia satis exprimi nequit, ut pote omnem cogitationem & sermonem superans, & omnem misericordiam affectum includens, multis & variis modis & verbis proponitur. Exodi 34. Dominator Domine Deus, misericors & clemens, patiens & multe miserationis, & verax, qui custodis misericordiam in millia, qui auferis iniquitatem, & scelera atque peccata. Psalm. 85. Et tu Domine Deus miserator & misericors, patiens, & multe misericordie. Similis verborum synanthrismus, quo omnes misericordiae modi & affectus insinuantur, habetur Sapientiae 15. Iona 4. & alibi. Psalm. 32. Misericordia Domini plena est terra. & Psal. 144. Suavis Dominus uniuersis, & miserationes eius super omnia opera eius.

Duplices in Deo misericordiae. Porro duplex in Deo misericordia conspicitur; altera generalit, altera specialis: illa prior, haec posterior: non per se & ratione affectus interior prior aut posterior, sic enim utraque semper extitit, ut pote æterna: sed ratione operis externi, & effectus creati. illius enim effectus est prior, huius posterior.

Generalis est, qua ab initio tota creatura rationalis, Angelica & humana (& propter humanam totus iste mundus corporeus) ad bona supernatura, & statum beatum, quo defectus nudæ naturæ tollerentur, est destinata. Cum enim natura rationalis per se sibi-

sibiique relicta, sit multis subiecta defectibus, imperfectionibus, & Generali &
veluti miseriis: immensa Dei bonitas cum statuisse illam ex nihilo condere, & donis omnibus naturae debitibus exornare, videret-
que eam adhuc tot defectibus obnoxiam, & tanto à visione ipsius interumlo disiunctam, misericordia motus statuit illam ad ordinem supernaturalem, & aeternorum bonorum suorum communionem, qua omnes illi defectus profligarentur, sublimare & attollere. Hæc est misericordia prima, de qua intelligi potest illud Prophetæ Psalm. 144. *Sicut Dominus uniuersus, & miserationes eius super omnia opera eius.* Si enim super omnia opera, ergo etiam super Angelos effusa. At quando, nisi cum illos ad supernaturalem statum euerit? Effusa quoque super omnem creaturam corporalē, quia cum hæc tota sit propter hominem, dum hic ad statum illum sublimem eleuatur, ipsa quoque simul attollitur, ut domus & habitaculum habitatoris sui dignitati congruat. Insinuat hoc Apostolus ad Rom. 8. *Vanitati, inquit, creatura subiecta est non volens, sed propter eum qui subiecit eam in spe; quia & ipsa creatura liberabitur à seruitute corruptionis in libertatem gloriae filiorum Dei.* & B. Petrus Epist. 2. cap. 3. *Nous celos & nouam terram secundum promissam ipsius expectamus, in quibus iustitia habitat.* Idem colligitur ex cap. 21. Apocalypsis, & 65. Isaiae. Denique totam creaturam innouandam, & pro suo captu ad statum incorruptibilem & gloriosum subuehendam, est communis Patrum & Sanctorum doctrina.

8 Prima autem rerum productio, quatenus ex nihilo in suas species & naturas cum perfectionibus naturalibus sunt conditæ, non tam misericordia, qua depellitur miseria, quam bonitati seu benignitati, qua fons est omnium boni creati, ad lignanda videtur. Cum enim creatura penitus non esset, non erat propriæ misera, aut ulli malo subiecta: nam malum est priuatio boni quod deberet inesse, vnde supponit subiectum existens cui inesse, & cui bonum conservari inesse possit. Si tamen malum & miseriam non ita strictè accipiamus, sed generalius pro quo quis positivo, priuatio, aut negatio, à quo natura abhorret, sic non esse non paruum est malum, nec modica miseria: est enim summa imperfectio, summusque defectus totum bonum exhaustiens, à quo omnis natura rerum vehementissime abhorret. nihil enim natura ita refugit ac sui interitum. Vnde & animantia & homines grauissima mala perpeti malunt, quam subire interitum, quasi hoc sit peius & miserabi-

D d 3 lius.



lius. Hoc modo triplex misericordia vel misericordia opus statui potest.

Triplex misericordia. Prima est, qua res omnes, præsertim ratione prædictæ, ex nihilo, in quo æternum retrò velut sepultæ delituerant, in suas naturas productæ sunt. Deus enim in tanto defectu tantaque imperfectio ne (qua maior animo concipi nequit) illas videns, misericordia quadam commotus statuit imperfectionem illam tollere, easque ex nihilo sui tenebris in lucem essentiae & virtutis educere, naturam formare, speciem distinguere, suisque facultatibus & ornamentis instruere. Secunda est, qua rerum totam naturam statuit ad supernaturalem statum extollere. Tertia est, qua naturam humanam à statu supernaturali prolapsum tum in peccatum, tum in suas naturales miserias, tum in mortem æternam, constituit reparare, & majoribus præsidiis supernaturalibus quam ante fulcire.

Prima misericordia. Magna & admirabilis est misericordia prima, qua omnia ex profundo nihili educita, ad celitudinem essentiae & naturæ sunt eucta: infinitè enim melior est essentia cuiusque quam acceperunt, quam nihil unde emiserunt. Verum infinitè præstantior est misericordia secunda, qua omnia ad supernaturale ordinem eleuata: nam infinitè præstantior est gratia quam natura, & status ille diuinus quam conditio naturalis, & communicatio bonorum diuinorum, quam omnia dona naturalia. Sed & hac misericordia infinitè præstantior est tertia, qua diuina natura copulata est humana in unam personam, per quam nobis præstata redemptio; remissio peccatorum, iustificatio, & omne bonum. De prima & secunda misericordia satis dictum est Libro ix. De Benignitate diuina, & Libro x. De Dominio proprietatis. Nunc dicendum de tertia.

Secunda misericordia.

Tertia misericordia.

C A P V T III.

De lapsu hominis: & cur homo potius quam angeli lapsi redemptius.

De tertia misericordia. PROLAPSA natura generis nostri in primo parente, fraude dia-
boli à statu supernaturali, & amissa iustitia originali ceterisque
virtutibus, (fidem & spem excipio) subtracta etiam singulari illa
Dei protectione ac direktione, & partis inferioris obedientia, &
im-